

Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

§.1. Maternorum dolorum commiserationem Christo Domino
acceptissimam esse.

[urn:nbn:de:hbz:466:1-47123](#)

CAPUT XXV.

De commiseratione etiam Matris Dei, filio compatiens, patientis, suscipienda.

¶. I.

Maternorum dolorum commiserationem Christo Domino acceptissimam esse.

Quemadmodum Beatissimæ Dei Matri perjucundum est studium nostrum, cum in recognoscendis filiis suis cruciatibus sensu pietatis ac miserationis tangimur: ita vicissim ipsis filio acceptissimum est, si quis in maternis dolibus animo versandis occupetur, eisq; juxta crucem stanti, ac cum Unigenito suo patienti, pio consensu compatiatur. Quod ut confirmem, quiddam adjungo, quod primo asperitu mirum fortasse videbitur.

Siquidem in Vita B. Veronicæ de Binasco, ex Ordine S. Augustini, Christus ei Virgini dixisse fertur: *gratiosissimas equidem sibi esse lacrymas, ex pia passionis suæ meditatione manantes: attamen sibi gratiorēm esse recognitionem ac sensum dolorum, quibus Deipara Virgo in ipsa Christi passione conflictata est; idq, propter suum adversus illam, inexplicabilem & incogitabilem amorem. Ubi tametsi non deerit forte, qui existimet (quod in rem nostrā & ipsum valeret plurimum) hæc, quâdam sermonis figurâ, & quasi rei augendæ gratiâ ita à Christo dicta esse, ut nempe du taxat significare voluerit: summo se flagrare desiderio, ut Matri suæ dilectissimæ dolores (omni quidem sensu & opinione nostrâ majores) devoto studio commeditemur: nihil tamen causæ esse video, cur ipsa verborum proprietas relinquenda sit, cum & in rigore sermonis non uno sensu vera esse possint, si modò matrem, ejusve dolores, non quo-*

quomodo cunque, aut per se solitariè spectemus, sed cum certo respectu ad filium, atque ad ipsam filij passionem.

22. q. 27. n. 8. Nam quemadmodum cum S. Thoma sentiunt communiter Theologi: diligere proximum propter Deum, majoris esse excellentiae & meriti, quam tantum Deum diligere propter se ipsum, quia sic dilectio proximi includit etiam dilectionem DEI: ita dicere possumus in praesenti; pium affectum erga dolores matris, filij respectu conceptum, Christo gratiorem jucundiorēmque esse, quam si cruciatum ipsius filij solitariā commiseratione tangamur; quod etiam etas aduersus matrem, insuper includat pietatem in filium: qui utique, cum vel uni ex minimis suâ causâ exhibet amicoriam, perinde ac sibi impensam aspiciat; multò magis, quod in desolatam afflictissimāmq; ejus parentem commiserationis ac velut solatiū collatum sit, ad se pertinet existimabit.

de lam. B.V. l. 1. c. 35. Rursum, si ex S. Bernardi aliorūmq; Doctorum sensu (quod item non semel B. Birgittæ revelatum accepimus) dolor ille, quem de matris luctu & dilectissimi cordis ejus angustijs, sympathiā quadam percipiebat filius, excelsissime prohibetur eum dolorem, quem de suis ipse vulneribus cruci-

De Laudib. B. M. mentisq; caperet, ita ut (quæ verba sunt Arnoldi Carnotensis) in matre amplius, quam in se pati videretur: consequens est, ut (quod ajunt) ex parte subjectæ materiæ, & ceteris partibus, gratius illi accidat studium nostrum, cum ipse compatitur in matre, cumq; dolorem, quem ipse maximum atque acerbissimum expertus sit, benevolā quādam condolentia quodammodo quasi lenire ac mitigare conamus.

Tandem ea est vis magni & ardentis amoris; ut qui alterum vehementer diligit, si quando utrumq; una involvatur calamitas, illi potius quam sibi succurri malit: præfertim ubi is amantis gratiā in eam necessitatem incidet. Cū igitur optimus Redemptor parentem suam nimis opate

diligeret, & dolorum ejus magnitudinem perspectam haberet, iisq; illam intelligereret, suā unius causā atque amore, opprimi & quasi examinari: potuit non immeritō, istud sibi debiti solatij, quod dolenti p̄st̄at piē condolentis affectus, in dulcissimam parentem suam quodammodo transferre, atque ut ei potius à nobis exhibeatur, expetere; atq; ita testari, id sibi gratius acceptiusq; esse.

§. 2.

Ad idem exercitium usurpandum propria quedam incitamenta.

Hoc igitur primum ac princeps esto in rem præsentem incitamentum: id exercitij Filio Virginis Domino nostro summoperè placere, & si quem pietatis affectum in Matris dolentis solatium impenderimus, id omne tanquam sibi impensum, gratarter acceptum habere.

Secundum: Ipsam etiam Virginem DEI Matrem id ipsū à nobis studiosè expetere. Cujus utique illæ sunt voces ad S. Birgittam: *Respicio, si fortè sint aliqui, qui compariantur mihi, & recogitent dolorem meum: & valde paucos invenio, qui cogitant tribulationem & dolorem meum. Ideo, filia mea, libertate multis oblitera sim, & neglecta sim, tu tamen non obliviscaris me: vide dolorem meum, & imitare quantum poses. Considera dolorem meum & lacrymas, &c.*

Tertium: quòd id ipsum à nobis postulet magnitudo doloris ejus: qua nempe & à filij sui nativitate (ut ipsa dicebat eidem S. Birgittæ) usque ad mortem ejus, tribulazione plena fuit; & filio suo moriente, in abyssum quandam amaritudinis immersa est; uti ponderabitur paragraphe sequenti.

Quartum: quòd eo pię mentis officio, gratus agnosceretur in amantissimam Matrem animus, increscet amor, tenerescet cordis devotione, roborabitur fiducia, & multi-

D d d

plex